

白奪山人文集

流寇議

有引

壬午夏秋關子至京師駐流寇方圍開封撫臣高名
銜遣其子叩關乞師首揆周寤迫無策但云棄之而
已子聞之愕然謂友人某太史某給諫曰開封非邊
外地棄之則河南盡爲寇據淮揚必不可保漕運中
阻京師大事去矣因草流寇議欲上之竟爲首揆所
忌友人促子疾出京勿久留蓋九月二十七日也附
刻於此以俟後之尙論者

流寇爲中原患最久任事者數易無成功言事者舉不得其
要領之所在夫任事者之人不出言事者之人言之而得及
其任之也尙未必如其所言言之而不得則及其任之也效
可觀矣愚以爲寇何能爲我患我無所以制寇者耳有兩
誤焉有五失焉有九筭焉何謂兩誤龜錯之言曰安邊境立
功名在於良將不可不擇夫錯之所謂良將直戰將耳如今
之總兵都督官是也非大將也書尊元聖詩稱尙父漢以三
公兼將軍之職唐以宰相行宣慰之事宋以樞密領安撫經

畧招討之使。權高望重。身係天下安危。此非智深勇沉文武兼濟者不能也。我朝設總制經畧率川侍郎兼風憲之銜者。往洪武間。遣楊榮行邊。則大學士也。正統間。遣羅亨信王驥。則都衛史兵部尚書也。近因流寇造逆。皇上震怒。閣臣樞臣督師者。賜尚方劔。其隆重比前人有加矣。豈非古推轂遺意耶。古人不拘資格。惟才是視。有天子熟知其生平者。有公卿大臣特薦者。有歷試之郡國。實見其可用者。有上書願求自効者。有拔之行伍。罪辜之餘者。韓淮陰不遇滕公。且斬矣。

諸葛武侯微三顧不竟以梁父吟終耶郭滂陽以太白延譽
名始著裴晉公蔡州之役賴憲宗獨任之韓退之表云惟斷
乃成蓋歸功天子也之數子皆大將才也使當事者不知愛
惜其才用之如無用焉彼何從展布朝廷亦何從享其厚報
乎國家以制莠取士以資俸序官其不肖者不足道賢者稽
古自命砥礪風裁居內則有文獻之名居外則有循良之譽
備顧問司封駁卓有可觀獨軍旅之事則必素深於韜鈴奇
正之書親歷乎山原險阻之變暑寒甘苦與衆共之戰陳鋒

鎬以身臨之。自非然者。扶輔樞之貴。恃勅劔之威。錢糧惟其所請。除敘惟其所私。激勸罔聞。士卒失懽。大敵一臨。直委而
去之耳。嗟乎。病臥者必不可以負鼎。徒步者必不可以涉江。
海鼎未始加重。江海未始加廣。且深也。天下豈無烏獲之力。
舟楫之具哉。獨無奈臥病徒步者何耳。又無奈臥病徒步者。
不自知其不能。而妄以爲能耳。豈惟其不自知。抑人且有不知其不能。妄以爲能。而使之者矣。豈惟其不知其不能。抑且有
明知其不能。而會推乏人。始以爲能。而強使之者矣。夫不自

知其不能而自謂能者罔也。不知人之不能而使之往者。陷也。知其人之不能而姑使之往者。迫於會推借以塞責也。用人者不得已而推之爲所用者不得已而應之不得已之命。一出於廟堂不可知之禍。遂延於州郡。庾亮敗奔夏竦見侮。喪師辱國禍莫大焉。則用人者與爲人用者罪亦同歸於一而已。孔子曰。孟公綽爲趙魏老則優。不可以爲滕薛大夫。苟當時大冢宰大司馬操衡鑑於上。臺省虛公博訪舉所知於下。軍旅之事必付之能治軍旅之人。何至有輸載助予之悔。

乎○故○曰○擇○將○而○不○得○其○人○朝○廷○之○誤○一○也○昔○者○樂○羊○之○拔○中○山○也○謗○書○滿○篋○文○侯○不○問○陳○平○之○間○楚○使○也○恣○萬○金○出○入○高○帝○不○問○光○武○之○答○岑○征○南○也○曰○荆○門○之○事○繇○公○爲○重○宋○祖○之○遣○曹○武○惠○也○曰○江○南○之○事○一○以○委○卿○兵○貴○神○速○進○退○惟○將○掣○肘○則○謀○必○洩○謀○洩○則○軍○必○敗○自○然○之○理○也○今○天○下○獨○無○樂○羊○陳○平○輩○其○人○苟○得○其○人○而○用○之○出○奇○制○勝○對○陳○決○幾○或○斬○將○立○威○或○納○降○用○間○或○委○城○餌○寇○或○圍○碁○示○暇○而○昧○於○兵○者○隔○千○里○之○外○遙○聞○之○不○審○其○所○處○之○爲○何○地○所○適○值○者○之○爲○何

時○心○疑○色○變○執○簡○而○前○曰○若○似○玩○寇○也○若○似○畏○敵○不○敢○進○也○
若○似○糜○費○金○錢○也○若○似○藐○視○朝○廷○無○人○也○若○除○授○似○有○所○私○
也○若○似○有○異○圖○也○侃侃危語聳然可聽而不知已犯軍家之○
大○戒○矣○重○者○械○繫○輕○者○罷○斥○立○監○以○分○其○權○臨○敵○而○易○其○帥○
盧○植○檻○車○道○濟○投○幘○一○簣○山○榜○十○年○功○廢○爲○文○侯○高○帝○者○誰○
爲○光○武○宋○祖○者○又○誰○耶○故○曰○將○將○而○不○能○盡○其○用○朝○廷○之○誤○
二○也○何○謂○五○失○督○師○監○司○率○皆○文○士○其○產○近○邊○塞○者○猶○習○見○
戰○鬪○之○容○然○亦○未○必○親○臨○矢○石○也○若○中○原○以○南○生○長○貴○介○周○

歷臺省不復知金鼓刀鋌爲何物忽而開陣操杓三軍齊步
刃光在瞬鐵交有聲矢雨砲鳴馬奔旗變左右相失身忘其
處誰能以輕裘緩帶立生死須臾之地神色自若乎是惟有
閉城待命而已棄城外如異域聽其焚燬不相關涉曰吾以
重封疆也天子有道守在四夷諸侯守四隣大夫守四境蓋
不令其逼近門庭胡我淺深旣以示武且使進退有餘地也
烏有所謂守在四門者哉生死存忘悉委諸賊之去來喪耻
毀名莫此爲甚此其失之法者一也國家文武並用然所在

武臣皆以文臣統攝之○恐武人不學○易生變亂○汝甚善也○然當推心置腹○安慰保全○倘自謂節鉞在掌○生殺惟命○恣睢睥睨○刻薄寡恩○彼慄慄推魯之衆○伏聲羣起○將以汝誅之○乎慮其激而與我爲敵也○將隱忍以聽之○乎汝屈而威不振○師百萬猶子處耳○上貽君父之憂○下爲士卒所窘○劉胤謝萬覆車○匪遠此其失之慢者二也○春秋戰國諸侯割據○彼此相征伐○無虛日○然猶不廢救災恤鄰之禮○今四海一家○雖省直分界○無非爲朝廷供厥職也○豈有寇至則止○求其出境而不惜隣

境之罹災寇在隣境則借言信地歛兵勿援者乎同守封疆
自生越迨唇亡齒寒隣盡而及於我彼之所以報我者亦
猶是也此其失之孤者三也從來言兵事者戰守而已無所
謂撫也撫卽宋之所謂和耳和用之於夷狄且不可况流寇
乎流寇皆我朝廷之赤子也偶以催科之故爲有司所迫至
於殘破大郡侮辱親王此其罪已無可赦矣况我兵屢爲所
剗未有可以挫其逆鋒制其死命者如餓夫哀巨賈而進之
食有不貽笑者乎朱僞之擊黃巾也賊乞降僞不可曰秦項

之世民無定主故賞附以勸來今海內一統惟黃巾造逆納
降無以勸善更使賊利則進戰退則乞降縱敵長寇非良計
也夫以偽之決勝如此以敵之窮困如此且不肯輕許之撫
今身爲大臣總六師於境上不能料敵決勝乃託名征勦而
陰行撫之之術以冀倖萬一日爲羣盜所狎而不自知此其
失之愚者四也祖制非汗馬功勞不許世爵茲流寇陸梁懸
封侯之賞以待有功可謂異等矣任事者宜開誠布公覈名
實嚴紀錄質直無隱賊平之後功自歸之今賊勝則不以報

報亦千百之十一耳。我獲其一二謀者，輒千百報之。日攘奪
戰士功爲已有。夫衆處軍中，誰無聞見功罪，原不容拚且身
爲三軍之主，三軍之功皆我之功也。匿之冒之，何爲乎？漢故
事破賊文書以一爲十，獨國淵上首級以實數，曰：「征討外
將以大武功聳民聽也。」封域之內，百姓叛離，雖克捷無筭，淵
竊耻之。今流寇非封域以內者，哉有功者尙不欲多報，况無
功而濫冒之耶？名實溷則豪傑解體，此其失之欺者五也。何
謂九筭往者，丙年饑饉，民不樂生，有司重斂酷刑，遂爲一二

饑○黥○言○煽○惑○釀○成○大○亂○其○意○謂○死○於○有○司○不○若○死○於○殺○掠○之○爲○偷○快○也○然○殺○掠○之○慘○原○非○百○姓○所○習○久○將○厭○惡○恨○悔○而○不○可○得○人○之○常○情○也○今○新○政○獨○租○海○內○催○悅○轉○亂○爲○治○正○在○此○時○倘○有○司○仍○以○貪○殘○奉○行○天○下○以○爲○朝○廷○不○過○以○空○言○欺○百○姓○耳○催○悅○者○且○痛○哭○矣○故○必○選○廉○惠○素○著○者○使○往○牧○之○稅○簡○民○安○耕○桑○如○故○夫○死○於○有○司○固○不○若○死○於○殺○掠○之○爲○快○死○於○殺○掠○又○何○如○生○於○族○黨○村○落○間○之○爲○更○快○乎○從○賊○者○相○率○思○歸○家○居○者○之○必○不○肯○從○賊○可○知○也○如○此○則○賊○勢○衰○矣○等

一也。運籌帷幄。督師主之。巡撫監司。贊之。彼斬將擐旗者。何人乎。勢不得不賴之。總兵叅遊諸將。諸將用命則勝。不用命則敗。理之必然者也。顧使之用命者。徒以權位鉤繩。刑威震疊而已乎。抑鼓舞駕馭之。有其道耶。晉悼公蒐於綿上。使士句將中軍。士句讓其下。皆讓三郤。而楚不能與爭。陸賈見陳平曰。將相調和。則士豫附。君何不交驩太尉。平用其言。定諸呂。溫嶠軍乏食。貸之陶侃。侃曰。師克在和。古之善教也。侃感悟。鄧羨怒王猛。斬徐成。欲攻之。猛赦成。馳入其軍。慰以好言。怒

遂解李抱真酣臥王武俊帷中武俊感其誠許以死報虞允
文撫時俊之背激之爲兒女子俊輒力戰大捷今襄皖鳳鄆
河南諸將與流寇相持者豈乏人哉顧不肯爲我用命何也
鼓舞駕馭之道失不足以服其心也有恣焉一以至誠感動
之使人人懷忠孝之思一以賞罰約束之使功罪咸宜無怨
辭一以顏色晉接之使有勇武有方畧者皆欣然得以自見
其所長蓋人各有心誰肯不策勳當時名垂後世但兵凶器
戰危事又誰肯以生死不測之身爲不知已者輕用乎苟得

其○術○之○道○則○心○平○氣○和○上○下○如○一○釋○私○儲○超○公○義○悍○者○柔○
詐○者○信○弱○者○起○驕○者○肅○呼○者○合○蹈○淵○赴○火○捷○於○響○應○在○彼○固○
不○覺○其○何○以○爲○我○用○命○如○此○也○此○其○故○殆○難○言○之○也○筭○二○也○
古○帝○王○之○用○兵○也○取○亂○侮○亡○救○民○水○火○故○止○戈○之○謂○武○今○則○
以○暴○掠○百○姓○而○已○所○過○財○物○婦○女○劫○搜○靡○遺○誣○指○百○姓○爲○賊○
殺○之○以○報○幕○府○上○首○功○焉○一○遇○賊○至○烏○驚○魚○散○莫○知○所○之○此○
無○他○將○帥○不○知○訓○之○於○平○日○斯○不○能○禁○之○於○臨○時○且○有○不○肖○
之○將○帥○縱○之○以○實○囊○橐○者○更○可○痛○也○是○必○嚴○論○將○帥○申○明○紀○

律露宿則結營入市則平價敢有侵我良民蹂我禾稼者刑
無赦如此則百姓方歌舞壺漿以迎王師矣筭三也偵探之
役從來以士卒之賤者充之如驛使塘報然夫兩軍相角誰
肯以虛實示敵獨偵探者先得其情狀耳此兵家勝負大機
也○用非其人則有隔數百里數十里而妄謂已至者有已至
而猶謂尙遠者○總之畏虎心重實未嘗深入敵境也○境且未
入○况情狀乎○未至而誤爲至○則軍心疑○已至而誤爲未至○則
猝然受攻是皆敗道爲今之計宜慎選偵探之才而大用之○

非素所親任者莫遣也○恐其未必忠於主也○非勇敢之士莫遣也○恐其未必深進也○非變詐猾稽者莫遣也○恐其陷於敵中○不能自脫○且以洩吾事也○當別爲一隊○以一將○當統之○選擇而使○給鞍馬○餼糧○聽其晝夜四出○緩急輒報○有功則計數○上幕府簿○紀錄○陞遷○與殺賊者等罪○則以軍法從事○如此則人人以偵探爲榮○誰敢不竭力供職○求敵之情狀○以告我者○巢穴安在○糧食屯積安在○往來熟路安在○險隘安在○賊之衆少○強弱何如○黨援何如○賊首行事號令何如○其素所憚者爲

誰其素所輕視者爲誰其素與之角立者爲誰其腹心川事者爲誰其羣賊樂從其渠魁否抑怨其渠魁思歸鄉里否如此則賊之情狀我盡得之虞詡以善繼者置賊中王式選懦卒爲候騎皆偵探之至善者也馬伏波聚米爲山世祖曰在吾目中矣夫伏波自隴西來敵之情狀悉知之然則伏波固漢之主偵探者哉筭四也賊之情狀得矣然後定謀兵法云知己知彼夫彼已非士馬多寡強弱之謂也謂其將帥之智計淺深遲速耳晉樂枝戰於城濮曳柴僞遁敗楚師周亞

夫聽趙涉計乘傳至洛陽以梁委吳絕七國饒道大破之李
光弼戒諸將勿與高延暉李日越戰降則與之俱來後果然
狄青上元夜張燈高會未明奪崑崙關凡此皆謀勝之大較
也今流寇恃衆貪虐無紀律貪則易餌虐則人怨之恃衆則
驕無紀律則易搖動數者有一於此必敗而流寇兼有之誠
能因天時之便相地利之宜分牽之以殺其勢虛張之以疑
其心斷其餽餉以使之匱乏扼其救援以使之無所恃捫其
所必救以亂之劫其所不意以驚之餌之使迫則伏險以邀

之怒之使求戰則嚴壁不出以挫之委之堅城以老之誘之絕地以威之賊之所長我則避之賊之所短我則擊之以逸待勞以整待紛賊方奔走自救之不暇而暇圖我乎司馬仲達平遼東計往來不過一年岳鵬舉破揚泰不出八日謀定故也筭五也謀定矣然後用間夫以賊攻賊者之謂間寇起山陝之初各携其妻孥親戚置營中其持刀弓乘馬衣帛者皆是也十餘年以來初起同心戮力者死亡過半矣所掠我人但以供井臼芻豆役使耳彼人莫愛也是以有數日返者

有數月返者有數歲返者彼人既不加多又不敢與我人相信又不得不選我人以充其用共事異心必生內變趙充國之料罕元也曰羌人所以易制者以其種自有豪數相攻擊勢不一也曹操之料公孫康也曰康素畏袁尙兄弟急之則共相救緩之則自相圖其勢然也今流寇所處之勢非所謂種自有豪數相攻擊者哉然間之使自相圖者未有人也誠得大將握重兵於要地因事設疑如田單之於樂毅陳平之於范增猜嫌既形腹心自潰使賊外懼我內懼爲其黨所謀

必將有自相吞噬計窮歸命者矣○古人居高視下○審敵情之○急○緩○而○操○縱○之○是○以○能○坐○而○承○其○敵○也○筭○六○也○議○者○好○言○入○

山○搜○賊○

時楊嗣昌以內閣督師搜六安山故云

兵法云十則圍之○倍則攻之○賊

出沒路徑非一○我兵不多於賊○搜之則必設長圍○設長圍則處處防衝○突我不戰先疲矣○此獨有奕家審先後○法耳○范雎遠交近攻○秦用其法○交齊使不助○五國光武知隗囂○公孫述不足爲患○曰且當置此兩子於度外○遂專意平江淮○山東諸盜○郭嘉策袁紹性遲○勸操急擊○劉豫州趙普謂太原當西北

二面克太原則西北我獨當之不如姑俟削平諸國蓋賊衆
則我不能並禦賊強又不可以力取當有次第於其間察其
渠魁之遲發者陽以計懾之使不敢先動而陰合諸將併力
以攻其狡健者如此則我之兵勢不分而又無前後受敵之
患一賊授首羣賊悉靡落矣筭七也寇渡河而南初所陷特
州縣村鎮耳近大郡亦爲所陷行且圍開封犯維揚矣聞其
陷襄陽也僅十有八人其取洛陽也城內民以怨福王之故
開門迎之歸德則縣令與鄉士大夫激變防禦遂疎若是則

城之陷非寇之力能攻之也。寇亦有天倖焉。實繇守之者非其人耳。戰則彼此相攻。守則無有賊攻我。無我攻賊者。安危聽之賊。我得不坐困耶。然守得其人。較之戰。更易爲力。百姓旣蒙寬租。則復業者衆。廩之入城。其守必受命。士大夫身家居城內。與之計議。其守又必受命。積薪米。備器械。火藥。慎譏察。督監以時。中禁。堅壁清野。賊至無所掠。賊敗又無所據。戰者曰。尾其後而擊之。賊又不敢持久於城下。倘守者兼能用。戰如韋孝寬之在玉壁。張巡之在睢陽乎。賊計日滅矣。筭八

也流寇長技○惟恃刀馬飄忽震蕩○出沒不時○然不知有所謂
節制○一用節制則練步卒足以破之○夫騎兵衝陣逐敗則有
餘殺賊則不足○實能殺賊者步卒耳○設有兩人於此一馬○
步○隔數十步外○馬上者可以弓矢得志○然猶或不中焉○短兵
一接○步下者直反手揮刃而墜之矣○蓋馬雖馴熟○終勞罄控
固不如步行者盤旋避就之爲便利也○但步卒未明此理○驟
見衆馬衝突○如崩如潮○勢不可禦○遂披靡贖亂耳○苟平日講
求訓練○使衆皆洞然於彼此長短之故○又試之小勝以堅其

○膽○然○後○嚴○申○號○令○有○進○無○退○退○則○必○斬○并○及○隊○長○以○徇○於○是○
○藏○火○藥○選○弓○矢○環○甲○擁○盾○以○一○刀○間○一○矛○魚○貫○雁○行○聞○鼓○齊○
○進○賊○馬○至○必○用○矢○矢○則○我○有○盾○矛○刺○其○上○刀○砍○馬○足○於○下○如○
○岳○忠○武○破○長○膠○軍○之○法○彼○飄○忽○震○蕩○者○一○時○俱○廢○矣○至○如○賊○
○旁○衝○則○左○右○翼○之○賊○遁○走○則○抄○徑○要○之○賊○悉○出○則○乘○虛○搗○之○
○數○者○非○馬○不○可○雖○然○練○步○卒○至○此○豈○易○言○哉○平○日○撫○愛○壯○士○
○優○賞○健○兒○風○霜○疾○病○死○喪○瘡○痍○罔○不○憐○念○父○母○妻○子○之○至○情○
○金○帛○糧○餉○之○小○物○罔○不○周○詳○設○身○處○地○委○曲○推○恩○恩○在○人○心○

方思圖報而又有嚴令以約束之其誰不畢命疆場耶吳起
與士卒之最下者同居處李牧日椎牛以饗士卒人固有惠
之而後不苦於威生之而後視死如歸者非一朝一夕之積
累也筭九也恸其誤鑒其失善用其所筭以制之於流寇何
有哉

8
安集殘破地方議

數千里○破郡縣以數百計○破者苦城中○未破者苦村落○
所過無雞犬聲○士民子女○死且俘者百萬○虛舍虛無人○牛貴
踰良馬價一○望荒蕪絕行跡○白骨積煨燼間○國家將三百年○
慘辱痛心○未有若今日之甚者也○撫按以蠲租請命○旨未能
及○半有司嚴酷方且○便存者代死○亡者輸納也○噫亦甚矣○會
于上○失其道○民散久矣○如得其情○則哀矜而勿喜○此非牧
民者○本論哉○然會子當明適為為士師者發也○夫士師之與

民○牧○不○啻○懸○絕○古○人○以○牧○民○之○道○教○士○師○今○之○人○以○士○師○之○道○牧○民○且○用○士○師○之○失○其○道○者○以○牧○民○何○古○今○之○相○反○甚○耶○
或○曰○今○天○下○四○方○多○事○需○兵○餉○我○皇○上○亦○處○於○無○可○如○何○
之○地○撫○按○雖○請○無○益○也○有○司○安○得○不○奉○法○催○科○肯○以○功○名○付○
獄○吏○乎○愚○謂○撫○按○特○未○力○請○耳○其○未○力○請○者○何○有○司○先○未○力○
請○之○撫○按○耳○重○功○名○則○輕○民○命○輕○民○命○則○輕○刑○罰○殺○之○
於○前○官○殺○之○於○後○殺○有○已○時○而○官○殺○者○無○已○時○我○皇○上○
果○深○知○之○耶○知○之○則○有○司○當○盡○從○阿○大○夫○烹○矣○富○鄭○公○知○青○

州活流民五十餘萬募爲兵者萬餘帝聞之遣使勞公拜禮部侍郎公曰救災守臣職也辭不受今天下民牧惟知飾罪爲功求美官烏知災之當救又烏肯救災而辭美官耶愚謂殘破地方當治之以守令之賢者賢者不剝民以自養不沽虛譽期以實政惠民不畏強禦能自行其意凡有乞陳爲上官所信重無掣肘其百姓死亡絕種類者田入官租稅除之其死亡有遺孤者給口糧使附其所親者存活之其未死亡而赤貧無力坐視荒蕪者置耕牛粒種以助之其遠方被掠

子女委棄溝壑者埋之生者貯公署寄信其家人還之或擇
其年之相當婚嫁之設冊紀錄分別中文議獨議賑議停議
恤務求撫按入告得施行而後已否則痛哭流涕以去就爭
之○又復布示井里使知朝廷德意○當勉圖忠孝以仰酬之詞
訟爭角者勸息之○山林盜賊竊發者解散之○兼築城鑿池備
器械募勇士以防虞之○蓋片之公也○既大得志則其來亦必
輕躁無時安知不秋高復舉乎○凡此皆所以安集之也○雖然
求守令之賢者於今日可多得哉○且又何以知其爲賢者而

授之任乎。其愛百姓而不貪者，卽賢。其貪而不愛百姓者，卽不賢。其喜爲百姓請命，不願加賦者，卽賢。其喜加賦而不肯爲百姓請命者，卽不賢。司馬君實之言曰：天地生財，止有此數，不在民卽在官。未聞不加賦而生財者。夫有司之威無所不勝，雖殘破窮鄉，偏能鍛鍊以快其所欲，上蠲而有司未必蠲也。上加而有司之加倍之，今天下之有司，恐不敢望之，以不加賦之事也。但望其加賦而用足，加賦而用不足，有司格尅之罪，非百姓之過也。蓋爲有司計者，若曰加賦而不格尅。

無○貴○乎○其○爲○加○賦○也○云○爾○夫○加○賦○而○不○措○尅○是○猶○以○百○姓○補○
百○姓○加○賦○而○措○尅○是○徒○以○百○姓○利○有○司○以○百○姓○補○百○姓○則○未○
死○亡○者○爲○死○亡○者○所○累○以○百○姓○利○有○司○則○未○死○亡○者○又○爲○有○
司○所○累○而○終○無○補○於○死○亡○者○噫○天○下○事○尚○忍○言○哉○

8
上史閣部書 有引

予以乙酉正月十六日赴閣部史公之聘。十九日自汴
河相見。時興平伯高傑新爲許定國所殺。河南大亂。予勸
公西行鎮撫之。公懼甚。逗遛不進。二十七日抵徐州。傑諸
將約束待公命。公爲設提督統其衆。處分草草。又用左右
計。退保維揚。予苦留之。弗聽。且欲挾予同行。蓋二月初九
日事也。予審其必敗。託言渡河取家屬。遂歸湖上。以書貽
之云云。

梅生平無長才不能修飾邊幅與時人周旋惟兢兢先人家訓好名節又好讀古人書遇古人有氣誼事功文章者輒慨然欣慕其卑不足道者心鄙夷之或形之詩歌以詆刺之至處目前鄉黨師友以及先達上官皆復如是先座師姚現聞公嘗誡梅曰子嫉惡太嚴面折人過熹辨難召愛憎非明哲保身之道梅心誌之然終不能改也謂世無知己則愛之憎之舉不足爲輕重也流寇初陷京師中原無主官繼至梅伏居苦塊力未能拒上書各院道請兵北伐又潛糾河北忠

勇之士凡數萬爲主帥前驅報先帝之大讐復祖宗之
疆土蓋自去年三月間變至今日此心固未嘗須臾忘也何
刻金陵鼎定一意偏安竟置先帝之大讐與祖宗之疆
土於不問耶梅登高南望涕泗交橫自慚微賤大之不能酬
國家三百年之恩澤小之不能庇宗族十畝之桑梓羈縻逆
旅蒙犯冰霜妻子饑寒家人散背親戚勸之行而不肯行朋
友招之隱而不肯隱此豈有所利於其間故爲是流離困苦
之狀邀富貴市虛名哉誠以河北皆本朝赤子忠義未忘人

心○可○鼓○不○忍○先○去○以○爲○民○望○也○天○下○豪○傑○少○而○庸○衆○多○必○有○人○爲○之○倡○導○而○後○聞○風○者○迺○有○所○觀○感○而○興○起○是○以○孤○立○其○間○首○先○懼○禍○幸○師○相○徵○書○下○辱○褒○美○過○情○於○是○持○書○而○遍○示○之○曰○河○北○人○勿○恐○也○南○中○有○史○師○相○在○焉○其○人○仁○人○君○子○也○知○汝○輩○從○賊○孰○非○得○已○但○能○潛○爲○我○用○我○往○爲○汝○白○之○必○不○令○官○軍○殺○汝○也○彼○皆○踴○躍○南○呼○會○盟○歃○血○若○惟○恐○師○相○之○不○旦○夕○至○者○此○其○心○何○心○哉○譬○爭○渡○者○偶○失○足○墮○水○中○且○沉○且○浮○得○一○人○手○援○之○未○有○不○應○手○而○出○者○顧○援○之○者○緩○急○何○如○

耳○謂○其○必○不○肯○出○而○棄○之○勿○援○也○天○下○有○是○理○乎○然○則○梅○之○
惓○惓○隱○忍○而○務○出○於○此○者○蓋○甚○難○也○河○北○人○之○所○以○待○命○於○
師○相○者○恃○有○梅○梅○之○所○以○取○信○於○河○北○者○恃○有○師○相○以○故○前○
至○白○洋○河○方○陳○河○北○情○形○中○原○虛○實○師○相○初○未○之○信○迨○移○駐○
徐○州○不○十○日○而○僞○官○之○孛○果○獻○斯○時○也○豐○沛○倉○皇○濟○寧○震○動○
賊○無○多○兵○又○不○齊○集○一○處○以○大○軍○覆○之○僅○同○拉○朽○且○師○相○仁○
名○懋○著○海○內○歸○心○與○他○鎮○將○帥○不○同○况○高○興○平○全○數○精○兵○盡○
會○徐○州○若○能○選○鋒○銳○進○北○渡○長○征○所○至○之○處○不○煩○血○戰○必○將○

倒前途之戈如田單一呼而下齊城七十此非純用兵威者
之所能喻也惜也竟以擒僞官終也於時河北百姓被僞官
之禍黨者殺傷剝削日甚一日咸謂此舉實梅欺之此禍實
梅貽之矣嗟乎梅豈欺河北之百姓而貽之禍者哉良繇見
知於師相者淺不能言聽計從以至於是耳師相來書云會
二雲諸君子言之云云夫會公識梅爲何人哉必諸君子中
有爲會公言之者也然則會公亦未嘗知梅爲會公言之者
知梅也假使諸君子言之會公會公言之師相師相不加之

物○色○將○奈○何○惟○師○相○加○之○物○色○而○後○諸○君○子○不○徒○托○之○空○言○
也○然○則○諸○君○子○亦○未○嘗○知○梅知○梅者○仍○獨○歸○之○師○相○也○而○梅
猶○謂○見○知○者○淺○此○何○以○故○乎○古○之○君○相○所○以○稱○知○人○則○哲○者○
非○徒○知○其○人○之○姓○名○而○已○也○固○將○有○所○以○用○之○也○用○之○而○或○
以○爲○其○人○雖○賢○未○必○大○有○造○於○天○下○則○姑○且○置○之○是○其○意○蓋○
易○之○也○用○之○而○或○以○爲○其○人○雖○大○有○造○於○天○下○但○有○人○從○中○
毀○之○者○則○又○姑○且○置○之○是○其○意○蓋○疑○之○也○斯○二○者○用○人○之○大○
弊○也○若○師○相○與○梅其○易○之○疑○之○欺○抑○敬○之○信○之○欺○易○之○疑○之○

而奈何徵之。徵之而易之疑之也。並其徵之之意舉不足以生知已之感矣。師相必不然也。師相業已徵之則必將有以用之。苟其易之疑之也。師相之庭豈復有梅之跡乎。且古賢士所以重知已之感者。不重其恩。重其心也。重其恩者衆人重其心者賢士。重其心之愛之者衆人。重其心之敬之信之者賢士。豪傑之士寧爲人所不愛。不肯爲人所不敬。不信則知已之故。蓋難言之也。虞翻之言曰。天下有一人知已。死可。不恨。韓愈之言曰。一日而九遷其官。感恩則有之矣。知已則。

未也。夫天下人之所最惡者，莫如死，所深願而不可必得者，莫如一日而九遷其官，而二子以爲不可與知己者並較，是其視知己也何如哉？梅則以爲此猶不如越石父之言之深也。越石父之言曰：士訥於不知己，而信於知己，知己而無禮，固不如在縲紲之中。夫他人之所謂知己，不過文章延譽，仕進提携，以及患難貧乏，意氣慙慙耳。游俠之士，慕虛名，廣結內者，皆能爲之，然不知有所爲禮也。禮之中有敬之意焉，有信之之意焉，甚則有殺之之意焉。施伯薦管夷吾，公叔座

薦術執皆云君能用則用之不能用則殺之夫薦人於人用不用聽之耳爲復使之殺之哉苟以爲古今知己之感更無有深於此者何也天下漫無關係之人用不用無益也殺不殺亦無益惟豪傑之士抱負旣殊言論丰采亦異雖或幽囚落寞而神明沉湛瞻視非常識者一見卽隱然有敵國外患之懼焉用其所不得不用斯殺其所不得不殺殺之者敬之信之非易之疑之也易之疑之則亦不足殺矣敬之信之者禮也○用之禮殺之亦禮也○人但知用之之爲禮而不知

殺之之爲禮是但知用之之爲知已而不知殺之之爲知已也知殺之之爲知已則感其殺之之意視感其用之之意不更深乎孟子之言曰諫行言聽膏澤下於民此之謂有禮焉越石父之所謂禮特就晉接威儀間論耳孟子則直以諫行言聽當之夫君子之仕於人國也固將以行其道也欲行其道必先行之於其君相諫者所以匡其君相之非言者所以佐君相之不逮深謀讜論一出於道德仁義之塗其君相遂相與敬而信之以爲此真可與其心腹托安危而後乃奉社

稷以從也。苟諫未必行，言未必聽。雖厚以筐篚，譏之瑟笙，而其中之易之疑之者固已多矣。穆生之去，果醴酒不設之故哉。正以諫不行，言不聽，有易之疑之之意。忠臣公國不潔其名，故責其小失而託之以行。所以全賓主之交，成先王之義也。今天下虜寇交訐，陵畿淪沒，正志士撫膺，貞夫抱慟之秋。草澤山林間，隱如風后，賤如傅說，戎如山余，窮如甯戚，刺如聶政，老如侯嬴，遺如范雎，俠如劇孟，狂如鄉生，童如終軍，進履如張良，策杖如鄧禹，擊楫如祖逖，捫蝨如王猛，奇材異

能。在。在。有。之。顧。所。以。禮。之。者。何。如。耳。不。可。謂。游。內。遂。無。人。也。
師。相。當。念。先。帝。之。讐。必。不。可。以。不。報。祖。宗。疆。土。必。不。可。
以。不。復。屏。除。諂。佞。裁。抑。貪。庸。進。骨。鯁。之。臣。崇。智。謀。之。士。決。戰。
守。之。策。收。果。斷。之。功。若。復。猶。豫。遲。回。輕。疑。輕。信。效。宋。人。乞。和。
之。覆。轍。祇。足。以。沮。忠。義。之。心。短。英。雄。之。氣。耳。恐。奇。材。異。能。者。
聞。之。相。與。躊。躇。太。息。裴。足。而。不。前。也。梅。衰。經。未。終。竄。伏。岩。穴。
原。不。乞。憐。師。相。附。會。功。名。但。以。微。辟。遠。惠。義。不。得。不。杼。一。得。
之。恩。仰。酬。知。遇。况。師。相。方。在。吐。哺。握。髮。集。思。廣。益。之。時。諒。不。

以誥誥者爲是，而諤諤者爲非。故發憤稱述，無所忌諱。蓋上以傷國家之式微，而下以哀師相之勤瘁。音與淚集，不自知其言之過激也。師相倘鑒其意之無他，而採擇焉。梅得竊比於諫行言聽之後，願以布衣芒屨侍幃幄，備顧問。如欲以王事驅策之，則當擇其大且難者以相付。寬鞭轡假，便宜專任。責成生死不辭，苟以衆人所能爲者見委，是猶之乎易之疑之也。疎狂齷齪，不能善事左右，恐日後有投杼之禍。行且去矣。安往而不得其貧賤哉。竊恐師相不能爲梅之知己，而梅

徒爲師相之知己也。

附史閣部來書

穠○猶○萬○衆○未○獲○面○縛○昆○明○而○下○唐○六○臣○之○膝○懸○馮○長○樂○之○
組○者○方○耳○嚙○足○躡○於○金○臺○易○水○間○載○歌○彼○都○鬱○爾○短○氣○門○
下○乃○能○獨○踏○魯○連○之○義○鐔○琴○常○山○之○齒○條○然○懷○沙○長○辭○鳳○
鼓○紀○國○變○而○傳○高○士○寧○無○借○門○下○爲○弁○乎○得○曾○二○雲○及○諸○
君○子○札○知○門○下○不○特○明○潔○身○之○節○蓋○實○能○抒○匡○世○之○猷○者○
也○時○哉○不○可○失○其○慨○蹴○瓊○夢○而○起○以○顧○我○於○河○水○之○陽○不○

伎將瞻蘭棧而歌心寫矣。臨楮曷勝淫切。

二雲諱櫻江西人丙辰進士時爲山東登萊巡撫

原缺

貽僞防禦使武愨書

有引

甲申三月流賊陷京師五月朔武愨以淮徐僞防禦使至沛沛人響附予避居微山愨屢使招予親友大爲予恐勸予往見予憮然太息蓋自知義不辱必死也因以書貽之云云愨陝西涇陽人癸未進士

明公不以敝邑爲湫隘惠然辱臨進父老子弟而勸諭之又擇其賢不肖而褒鉞之恩信洋溢威嚴渙布邑士人咸謂數十年未有此賢大夫也可不謂厚幸哉梅雖甚狂愚竊附士

庶人之列豈不欲扶杖往觀登堂受教顧三年王制甫及小
祥旣不敢衰經晉謁又不忍變服往見是以細謹硜硜遲回
中止伏惟明公之鑒之也或者謂明公佐命重臣初蒞茲邦
萬務維新士民更化豈得仍拘常制獨不思禮之所稱王制
豈時王之制哉乃古聖王之制至當不易千載勿貳者也豈
有於彼則申於此則誦者或者又謂兩朝改革不無興廢之
嫌將疑務託言讀禮而陰行遁避嗟乎梅誰氏之臣子哉縱
有此心亦豈可指爲罪譴先人世居沛上踐土食毛高曾祖

父一經家傳。初叨恩選。繼薦鄉闈。寸絲半救。誰非我先。
皇上深仁厚澤之所波及。曾未報効萬一。而天降疾威。罹茲
凶禍。適在居廬。倉猝聞難。如夢方沉。如病方汗。如嬰兒之違
乳母。如家犬之失主人。冷然驚跌。心膽崩摧。殆不知此身之
爲何人。此居之爲何地。惟有蹣跚號哭。昏然慟悼而已。獨恨
官守未膺。事權不在。是以隱割忍痛。含恥偷生。慚愧骨骸。將
非人類。如此而猶欲載費於長者之前。觀光於服從之後。無
論中有所大不安也。且使明公視之。爲何如人乎。聞明公初

下車時語衆士子云吾輩讀書半生誰無忠孝之思事勢至此其奈之何又示諭內有云敢曰以官臨民不過同我父老子弟相與休息而已辭氣蘊含幽衷如見識者於語言文字之間知其天懷忠孝一往情深不覺依依感動滂下無聲豈有如此至性之人而顧以守禮不出者爲罪譴乎昔安祿山之變顏杲卿知孰不敵偕袁履謙往迎之祿山授以金紫顏山指謂袁曰此何爲者袁悟遂共起義後之君子不議其迎祿山之非而嘆其爲唐室中興之首倡古之人善處大難往

往○濟○之○以○權○安○知○明○公○之○苦○心○密○慮○此○時○不○誓○出○於○此○也○陶
靖○節○念○其○先○世○晉○臣○終○宋○朝○不○仕○號○晉○處○士○世○人○但○知○其○高
蹈○遠○引○而○不○知○其○慘○念○宗○國○始○終○如○一○梅○豈○敢○自○比○靖○節○然
頑○廉○懦○立○師○法○前○人○亦○君○子○之○所○勉○圖○也○是○以○舉○所○有○壽○壺
盡○散○之○故○鄉○親○友○之○窮○乏○者○僅○酌○先○人○墳○旁○數○畝○築○草○室○於
側○倘○荷○明○公○教○其○不○臣○之○罪○恤○以○三○恪○之○遺○則○香○城○一○丘○可
作○首○陽○片○石○異○日○身○歿○之○後○追○從○先○人○地○下○顏○面○猶○存○俾○土
人○樹○石○於○上○題○曰○故○明○孝○廉○閣○爾○梅○之○墓○爾○梅○苑○不○朽○矣○嗟

乎復何言哉。大明崇禎十七年五月初六日沛縣慶午科舉人關爾壽昧死書。

附武備復清

慷慨中款。啓之民。續壽無所得。又未能時奉教於賢豪長者之前。是以愚昧。滋然。心知沛上閭先生者。有年矣。臣僕馬走唐突。恭桑。茲愿且懼。亟擬。趨。臚。側聆高誼。空過人。近想窮天際。悠悠此中。我勞如何。拜承台翰。氣壯河山。長跪讀之。真誠愧死。二墨清風。於今再見。至生者非生。英難。恐淚諸什。情見乎辭。嗟乎。大夫當知斯矣。鹿鹿如猿。窮子不足數也。草草作役。不盡翹瞻。

答褚鼎卿書

天下人所稱最傷心事有踰於盜發先人之墓

賢伯仲竟身罹其痛也豈獨賢伯仲痛之凡屬鄉黨姻婭之
末未有不泫然流涕撫膺慨嘆者嗟乎事已至此更復何言
唯當被髮入山脩省悔過而已異日以憂勤德業之勞爲發
憤補愆之舉是所望於仁人孝子隱忍韜藏徐觀時執而圖
其成也郭汾陽昔曾遇此數語引咎朝廷安之豈非前哲之
遠慮深思而後世處憂患者之龜鑑耶願勿汲汲然計報復

於旦夕也堪輿爲學問中第一與義君子謂其理居象緯之
先非靜心養氣者不能察災祲非博極羣書者不能攷正變
非多歷江河究南北支壘之性情者不能擴心胸非步窮舊
墳詳興敗剌復之數者不能定從違故精其術者號地仙其
地之上吉者曰人品次功業次文章次壽考次戶口最下則
富貴爵祿耳今天下人選選置人品功業文章不論而爭求
之富貴爵祿之餘遂謂地必擇其大者夫不務真而務大則
且擇之滄海之腹泰山之峯俯羣嶽朝百川而後云地耶其

不與俱滅者亦少矣此所謂虛張其說以惑主人之志而利其金者也沛中鄧主簿江西人祖傳地理偽官信到急避淮上去矣奈何

勞山募緣疏

乙酉避亂淮陰客有以浮海勸予者予不識海上路山川深
渺莫可窮訪故未敢決計羽士呂真奎自言幼居勞山山幽
甚內多異境服氣辟穀家往往棲焉張文成從赤松子游或
者疑其假託夫君子志行願適肥遯養年自是智者先幾卽
不然効魯仲連義不帝秦蹈東海而死亦挂廉遜名者之極
思也又何必志行願適而後遠引乎羽士苦修十年旣募靈
官像祀淮城更欲募三茅君像載歸勞山倘亦彼之所謂志

行願適從游赤松者耶子意其以三茅君幻爲霞市履樓將
招子於蓬島三神山間不獨爲寧魯連者關海上榛莽也閏
六月初十日書於射陽湖之蘆港

火星廟禪堂募緣疏

僧玉山者鄴人也○幼居沛之東鄉相國寺○寺圯于水○去歸鄴
下○五六年復來沛○上予爲結草庵于官河西澗○未幾又圯○水
遂移七山之火星廟居焉○廟故道家祝釐地○非釋子常住處
也○廟無禪堂○僧與里中好修者謀草創之○因乞予言爲募○予
思此僧朴野○無他文采○然居吾鄉三十載○未嘗作欺人語○作
暴殄事○吾鄉人頗愛重之○卽予先君暨予○皆時時爲之護法○
今老矣○子又以避難從海上歸○世變陵○親知疎薄○雖素稱

砥礪名節者率改竽濫吹獨此僧堅任本質依依不忍棄子
去○豈○彼○教○之○所○謂○風○因○將○在○是○耶○然○亦○足○以○媿○士○君○子○之○鮮
終○者○矣○子○故○爲○之○捐○貲○經○始○又○爲○述○相○與○之○有○年○以○見○子○之
爲○此○僧○護○恣○非○偶○然○而○已○也○楞○嚴○云○性○火○真○空○性○空○真○火○今
以○釋○子○開○宗○律○於○火○宮○之○側○其○諸○遍○恣○界○執○鏡○之○義○歟○不○知
誰○爲○得○未○曾○有○而○去○如○阿○難○者○也○子○戲○以○印○之○諸○好○修○者○玉

山諱

道真

丙戌八月朔日書

觀音閣募緣疏

忒沛城之西北三里許有所謂呂母塚者漢呂太后之母葬地也高可二十丈廣從百丈有餘自漢迄今兩千年水淤沙浸沒忒者不可勝紀而塚故巍然當時外戚陵宮之盛殊可想見土久氣合固吾沛形勢藏結處也里人用堪輿家言構佛寺鎮之近又謀造觀音大士閣旣若無費又若無任事者蓋此寺廢久矣鄉里貧乏者莫能任事而能任事者又或別有營築棄此不復顧惜盛者盛之衰者衰之人情大抵然也

余思漢初王侯將相半產沛上○今墟址故在而蕭條榛莽○
前迥絕豈地之廢興不存乎地○存乎人耶○雞○雁堂○誰實創
始○行深功苦○必將有起而應之○如古給孤輩爲之先後奔走
者矣○我人其勉之哉

背坐觀音閣募緣疏

滕之西南數十里地名戚城城外有背坐觀音庵俗傳大士
居海南禮大士者咸南面往大士北面受之故結庵者取象
乎此也庵初自神廟中年舊無閣寇亂兵興居民苦盜又
爲官軍所擾遑遑無藏匿處宋君德禮患之倡義捐貲建閣
菴後力未能獨舉也以陳君國紀爲介紹走百里乞言予思
近世鄉里人持戒誦經呪習入戎首者無之非是誰有念小
民無依築善地以存活之者宋君此意殊不與諸人其沒沒

也○又聞宋君每自言○吾擁薄產○乏胤嗣○年垂老矣○不蚤作功
德○計顧斤斤爲寇○戶守奚益耶○今天下士大夫居官居鄉○營
厚富○凌桑梓震熠○當時子孫弗滅○曾未一傳○輒舉而委之他
姓○善乎宋君可謂達人矣○君子有亂世無亂心生○值兵戈抱
室家子女之憂者○何限○使人人如宋君能倡義捐貲○緩急可
恃○則至誠所感○鬼神通之○雖牧豎童子○皆可與現大士之身
也○海南之教○何事乞衣鉢於嵩丘○瞻慈雲於雙樹也○哉○陳君
與余同筆研○頗質直○故不疑其所言而爲之疏○

萬佛閣募緣疏

竊惟佛號有萬其理不殊如儒者之有列聖列賢號亦有萬其理亦不殊也往代佞佛帝王卿相多不獲令報前人論之者詳矣我明禪林俊興土木金碧動損億萬京師吳越尤甚京師主者大半皆后宮戚畹中官輩吳越則士大夫主之萬曆年間效尤持咒肅肅焉如金科玉律雖聖諭不能復奪及考其屋漏閒居所爲或有三尺童子所羞稱而禽獸之所不屑者百姓婦女市兒賊盜轉相煽惑姦藏禍深未及

百年而天下大亂遂不忍言矣豈佛之無知至此乎夫謂佛無知崇之何益謂其有知崇之而不獲崇之之報又殊不知有知者於是道學家授程朱迂論正色斥闕弗勝也子曰是皆不然佛與儒同理而不同作用要之勸善懲惡其心一也世人不習其心而徒習其事故惘惘至此此豈立教者之過歟夫習其心又習其事者佛之所以別於儒也習其心不必習其事者儒之所以通於佛也苟徒習其事而不習其心則不惟在佛失其佛之真而在儒并失其儒之貌雖曰取佛闕

而建之浮圖十仞舍利十升曾何益於世道人心治亂之本務哉然則萬佛卽無佛可也時崇禎十有七年端午後三日

書

明故待誥贈閩母陳孺人墓誌銘

有明朝議大夫閩蹕礎公之子修齡以其母陳孺人行狀來
向余乞言曰先大夫既葬矣黃石齋太史既爲先大夫作墓
誌矣先贈母高孺人繼贈母蔡孺人亦既附先大夫墓誌納
之墳中矣兩孺人俱無出獨陳孺人實生不孝修齡先大夫
宗祔得一綫不絕者陳之貽也顧自先大夫筮仕之初以及
宦成之後茹荼盡瘁多歷年所曾不得博一命之綸修齡心
竊痛之敢持求一誌爲吾母光修齡死不恨矣余憶昔年客

淮上雅爲躋礎公所重而修齡與余又篤兄事之義孺人誌
安所得辭按孺人淮之山陽縣鄉飲賓陳公默齋長女兵部
職方司郎中無學公女弟也默齋布衣好學問喜談詩以勤
儉訓其家孺人習之溫克有威儀內則秩然是時躋礎公已
成進士繼配蔡孺人屢字弗育公母楊太孺人知陳賢遂命
公委禽焉孺人謹事楊蔡各得其懽替御臧獲慈如已子中
外交稱無間先是躋礎公之祖之父以大原望族賈淮上筴
璫積財豐融楊蔡相繼主中饋陳佐之綜理周詳以是公繇

司李舉卓異○歷任民部郡守○晉階朝議國而忘家○無內顧之虞○孺人力居多也○丁巳九月生○修齡京邸○甫八月公陟寧前○備兵○值建州告警○公置孺人修齡於潞河民舍○單騎出關○孺人束裝趨之○速就道○亦可謂明於大義矣○無何公投劾歸○爲兩尊人○奉晚年蔬水○孺人佐公承歡盤盂中○櫛晨夕○僮僮無何丁外艱○孺人又佐公襄大事○哀毀如公○含殮襚賻之物○皆躬自操作○無倦○雖公刑于使然○然非賢而勤於禮者○恐未必能無貽糶也○孺人歸公二十餘年○始終一跡○生豕子○攷其應

得之爵允宜綸誥願以公投劾故爲當事特齡久淹林下孺人遂亦不獲與高蔡同封長逝之年修齡纔十有四歲爾孺人未及見其成也是亦其遺憾云

銘曰猗猗之蘭植彼華屋綺繡生雲嫵然而馥蚌則有珠鸞則有髻明德繩繩俾爾穀穀

杞縣馬進士墓誌銘

故淮安司李馬公人表卒於魏郡之明年其長子千秋持公
行實來謁求墓誌子憶公李淮時始終未一識子顧重子特
甚又陰有造於子是子之知己也文生於情斯役也余曷敢
辭遂受簡讀竟歎曰公生平止此乎抑行實有不能盡載者
請以所聞所傳聞者兼附之可乎子所聞公蓋負不羈之才
不○得○已○而○聊○以○權○術○自○見○者○也○公○河○南○杞○縣○人○生○有○偉○姿○長
九尺父命名曰頌字人表一字頌公詩云頌人其頌顧其名

可想見其人矣。公幼孤，母朱孺人，誓節撫訓，性穎敏，經史過目輒上口。喜觀大意，不斷斷章句也。十六歲補邑庠弟子員。崇禎元年，試有司冠軍，食餼三年。朱孺人病革，流寇信迫，公泣曰：「古人所以不踰墓、不踰月葬其親者，正慮變出不測，使死者早安地下也。今三喪未舉，寇旦夕且來，萬一禍生，雖悔何益乎？速葬之。」未幾，河決灌大梁，杞城潰竄。公時已携家北渡，假寓其城矣。聞故鄉親友停柩者，慘不忍言。公泣且笑曰：「不孝願今而後可以安死者於地下也。且可以見吾父於他。」

日○三○喪○者○公○之○祖○毋○氏○毋○氏○暨○仲○父○云○是○歲○河○南○鄉○試○廢○明
年○癸○未○補○科○共○城○公○中○式○明○年○甲○申○三○月○十○九○日○國○變○公○急
携○家○南○渡○歷○江○淮○意○猶○有○尋○建○康○宋○臨○安○望○也○明○年○乙○酉○五
月○留○都○陷○國○家○大○事○盡○太○公○無○可○如○何○復○携○家○北○渡○聞○中○州
盜○平○遂○還○杞○明○年○丙○戌○成○進○士○則○順○治○三○年○矣○初○授○淮○安○府
推○官○淮○爲○水○陸○通○郵○號○難○治○又○潛○運○添○設○侍○郎○駐○新○城○語
言○嗜○好○與○中○華○迥○異○造○造○借○飛○語○侵○掠○無○辜○公○度○不○可○力○爭
則○游○戲○以○結○其○懽○彼○重○信○公○弗○猜○以○是○多○所○拯○援○自○紳○士○民

商鹽課漕艘兵符驛傳以及劉澤清遺棄奸吏舞文諸守令
或縮手摸稜公悉爲平反大難大疑剗然節解丁亥九月鹽
城大盜攻新城侍郎幾不免盜退遺有冊籍名姓侍郎欲
屠居民上首功公堅持不可因移署新城坐鎮之示淮民無
反側意又各處挾警相詰首公從容訊釋之淮民大安而不
利於公者卽用是中公云公雅好文學郡務蝟集猶捐俸創
書院召名下士講究六經正文體戊子分教南關稱得人公
善臨諸家書篆隸兼長行楷頗似大蘇詩則孟東野李義山

之儔。著述如柘霜、苔龕、甌香、店三十棒、愁鑑、客講、颯課，皆取
名。初獲偶游一冊，古甚，似鄧道元水經註、柳子厚永州記。銘
公又善繪事，花卉尤工。又善解音歌，搆小齋，植竹，畜聲伎。其
中顏曰：顧誤蓋隱然自命以周郎也。此又中公者之一端也。
公天資雄爽，少所推許，獨以不及識子爲恨。時沛中有不肖
生，以抗節蓄髮攻子者，公曰：吾儕薙髮，原非得已。汝不自愧
而反以攻人耶？今卽聽汝，倘彼薙髮來前，吾反坐沙矣。事遂
寢。此事子初不知，夫公當日用不肖者言殺子與否，正未可

科○乃○其○意○則○必○不○欲○殺○子○且○視○天○下○凡○有○如○子○者○公○必○人○人○
而○護○持○之○也○李○振○附○朱○梁○而○白○馬○沉○留○夢○炎○入○蒙○古○而○文○山○
死○時○異○勢○殊○相○形○則○忌○誰○肯○哭○龔○勝○於○新○室○酌○陶○令○於○元○嘉○
耶○噫○難○矣○不○但○此○也○公○之○言○曰○吾○夙○有○微○志○遭○時○不○偶○竟○爾○
浮○沉○非○其○好○也○苟○不○先○自○託○於○賢○者○天○下○士○大○夫○其○謂○我○何○
王○景○畧○仕○秦○而○義○不○忘○晉○狄○懷○英○臣○周○而○忠○不○負○唐○吾○豈○不○
能○但○未○敢○明○以○示○人○耳○彭○城○萬○年○少○避○地○淮○上○幅○巾○衲○衣○以○
書○畫○自○娛○市○人○謗○爲○異○服○公○夜○往○私○候○之○謗○者○頓○息○歸○安○前○

太史韓求仲子起義兵敗避淮上爲魯者所訟公救之得釋
公之保全善類大率如此此皆行實之所未載而予得之所
聞所傳聞者後之君子設以身處其地采遺事而悲其心焉
公亦可以瞑目於九原矣公生於明萬曆乙巳年丙申年卒
於大名府經歷署中志畢更爲之銘

銘曰猗彼雍丘原隰昫昫沃田嘉樹誕茲碩人碩人其頡頏
骨能姿多材多藝天矯離奇天步艱難匪家匪國降志辱
身易彼初服白眼嘲謔簡兮踣跣思鋤稂莠爰植芳蘭狎

岡澄之海陽號長樂以痴頑蓋其中大有所不得已而又
不可爲俗人言安知北謫之非汨羅而南葬之非生還我
爲之納斯銘於壙中而招魂於三白松之間

三白松公別業也在杞城

東

沛王廣文墓誌銘

王廣文者沛漢臺里人也。祖易齋先生名守道。歲貢。歷仕常
德府學教授。父謙所先生名嘉賓。選貢。仕寧津縣令。兩地皆
祠名宦。廣文名應禎。字興之。號德符。十八歲補邑博士弟子。
員。蓋有明萬曆二十一年癸巳也。試高等。食餼久之。以歲貢
仕高郵州學訓沛士人。稱王廣文。云先是易齋謙所兩世清
節宦遊。無腴產。廣文輕財。又不善營家人業。性放達。好客。喜
飲酒。貧不能給。嚮城中宅。徙居城南之秦村。其丘隴也。日與

父老農夫坐桑柳濃陰下命酒狂歌醉輒睡稍醒則又飲條
醒條醉率以爲常鄰舍災火廣文拉門人丁生携杯奔往視
火正熾草燭瓦音流光迸散廣文大聲叫絕謂此不愈于燈
市題火樹銀花耶主人盛怒出兒女謾詬之廣文曰柳子厚
賀王進士失火今吾賀汝亦欲汝異日成進士耳何詬爲衆
皆大笑沛令李公遜庵月課以酒餽勞諸士諸士辭以醉李
公云凡人真醉必不自知反酣呼索酒今不爾安言醉廣文
信其語少刻酣呼云我不醉當速酌我李公云王君真率不

似諸君飾說。卽命巨觥連酌。廣文苦不能支。衆皆大笑。在高
郵。厭腐儒禮。時時徒步湖干。上酒樓。開牕眺煙雨。淮南漁村
山影一覽入目中。興發則呼客持簫管。蕩舟芙蓉渠。深處取荷
葉貯五加皮酒。效古人碧筒飲法。悲歌狂嘯。四渚花香。湖外
但聞笑語響出菰蘆間。竟不知何人也。諸生節費常儀。槩謝
卻。有以酒問字者。受之。有刀民訟諸生者。斥逐之。曲爲保全。
士氣大振。緣月課與同官不合。遂賦歸來。歸里後。貧日益甚。
親知省候。則就其所携之酒。共醉壺盡而止。或假貸之。則受。

弗謝未嘗先向人言也甲申後絕跡城市享年八十有八老
秦材廣文博古能歌行喜杜工部蘇端明集題句草堂云詩
宗老杜文法大蘇銘曰鬱彼香城有蔚其雲山川之秀產此
榆枌曰魁曰負以善釀聞亭長悲歌繼之伯倫流風遺韻爰
及廣文筮仕鄭虔之官沒與陶家爲鄰吾將遣江州之白衣
請乞食之微君九原可作夫復何云

沛文學闈公墓誌銘

今天子十三年八月余以予告歸里次沛上門人闈

爾梅來

謁山其先君子景文公行實屬余爲誌余讀竟嘆息因知闈

氏之所以興也公諱

思訥

沛邑庠增廣生文泉先生季子家

世治毛詩自國初至今皆居沛族故大然時時苦黃河患遷

徙無嘗處弘治年公會祖始居城東一再傳至文泉先生族

乃益大文泉邑諸生勤學博聞爲遠近師表性峻潔不能容

人之過然事後輒忘忝以是人多化之詳載在本誌中公生

十一歲祖母

朱氏

卒又一歲母

仇氏

卒伯兄

思忠

仲兄

思默

各析爨先是文泉落落負大志不問家人產又善飲無虛日
值嘉靖乙丑歲黃河決豐沛廬舍盡沒水中土田荒蕪家遂
貧移居北莊忝舊居七里許公生三歲北莊火家遂日益貧
夫家日益貧文泉淹滯諸生間又日益老祖母氏母氏相繼
卒又日益失所恃伯兄仲兄各析爨又日益無所資公十餘
齡也爲公者不亦難乎是後文泉或教授豐鄉或嶧之蘭陵
褚比公輒與俱以兒子執門弟子禮兼借主家薪膏肆力讀

古書○然文泉館金○徃徃不足○佐酒資○歲一終○則蕭然○四壁立也○又選選出○飲友人家○浹旬不返○公或日不再食○文泉亦不問○公天資遲鈍○然甚勤○讀書寒暑弗輟○嘗手拾牛糞○炙日中○使乾○夜以續火○冬月乏綿○尋綿種之○公絮者置小筐中○投雙足於內○得不寒○又手寫古今文○數百卷○每誦一葉○必百餘過○乃熟○然一熟則終身不忘○嘗自書二語于座右云○百勤能補拙○一懶便成愚○公之立志如此○萬曆癸巳年○督學御史江西饒公○渭錄博士○弟子員公○與焉○明年夏○文泉先生卒○公居喪○

一如古禮服闋娶

呂氏氏

別有誌茲後或教授里中或徐州

或豐多所造就癸卯黃河決沛縣公復避水蘭陵褚氏家以

文泉舊門人爲居停主人卽以舊門人之子爲門人是年九

月長子

爾梅

生公居蘭陵六七年其門人游泮食餼者數人

成進士者一人浙直巡鹽御史褚德培是也閩世爲師褚世

爲門人於時傳爲美談甲寅歸沛城從游者日衆是時

爾梅

生十二年矣亦以兒子執門弟子禮如公昔日侍文泉先生

也公設科務敦彝倫嚴名教動止必以禮善飲酒飲多至大

醉不亂詩曰人之齊聖飲酒溫克庶幾近之公力學五十年
邑大夫季試學師月課院道各上臺觀風輒居高等遇提學
錄料輒失利僅於己酉科一窺場屋又不售其數竒如此公
生平多善事如隣人張姓者侵公地反加橫逆公謹避之迨
丈尺井井伊悔罪願輸地內息自贖將至百石公謝不受又
有豪隣好鷹犬者鷹逐雉入人籬爲籬內人所傷豪逼之償
籬內人貧甚賣兒以應公聞而責之事遂解兒得不賣居家
喜賓客每食故舊貧乏者填集且誠諸弟子曰吾勿從貧乏

中來安得以故舊之貧乏者爲耻吾知與吾故舊共醉耳晚
年徵山湖水爲害鄰里姻親流離他邦者什之九懼無以應
催科莫敢歸是時用梅已從恩選貢士舉庚午科公立命之
請諸邑大夫停追逋招使復業瀕湖百姓生還者千餘家公
嘗自言吾厄於科名未遂所志願得豐稔數年使廩有餘穀
輸之有司補國課解一鄉倒懸亦義舉也疾篤將易箴猶以
囑用梅令成之嗟乎公可謂樂善不倦死而後已者矣公生

於萬曆甲戌年十二月初二日亥時卒於崇禎丙子年二月

二十七日辰時壽六十有三誌成並爲之銘銘曰
彼君子兮世有明德家學相承其儀不忒景行行止香城之域

明萬曆己未科進士繇翰林院春坊歷陞詹事禮部侍郎東
閣大學士漸水姚明恭撰

公號直斗庚午順天主考爾榜座師

顧孝婦陸氏墓碑

孝婦陸氏者吳江顧云美室人也諱宜字山淑長洲陳墓鎮人氏少顧子六歲壬申年十八歸顧子內則嫻修奉舅姑甚謹辛巳顧母病氏侍藥粥中裙廁踰必躬自浣滌如是者七十日無倦先是顧母病時氏之翁將葬其父母以葬期報氏氏云吾旣嫁女也禮旣嫁先舅姑而後父母今吾姑危甚且又不可知倘吾去墓吾父母歸而不及見吾姑吾何顏作顧氏婦耶竟不果往未幾顧母卒氏裹事畢迺往哭其父母於

慕次。君子謂之有禮。於是遂以孝婦名焉。顧子免喪後，卜居虎丘山之塔影園，閉門卻掃。氏勤搯作，佐鹽豉。顧子得以肆學古文詞詩歌，精大小篆八分，銅玉圖章，無所不繕核者。氏之力也。昔德曜偕伯鸞隱吳市，漢史稱之。陸氏其再見矣。丙申冬，氏感寒咯血，屢痊屢作。凡兩年，已亥閏三月不起。維時顧翁亦病卧郡城內，顧子晨夕往來，營藥醫道，遠不相及。一日語氏云：大人病亟，吾入侍，苟緩急不能出，毋我恨也。婦人不死，男子之手，卿其勉之。徑入城，不顧明日家人來，述氏垂

危狀顧子泣曰吾不能兩全也書片紙付其長女云吾在此
侍吾父汝侍汝母各爲其父母可也有頃訃音至越七日顧
翁亦易篋嗚呼陸氏以姑之病而不及會其父母之葬顧子
以父之病而不及視其妻之死此皆人所難者然而爲顧子
難爲陸氏尤難也賢哉民生二女無子嘗欲爲顧子置側室
顧子方高尚懼增家累一笑而已然則陸氏之賢豈非顧子
之賢有所以心折之而使然耶傳曰身不行道不行於妻子
士大夫固有厲色於鄉曲朝廷之上而汗顏於牀第之間者

求如顧子之晦跡食貧蕭然長往。俾其家室亦甘與之樂飢。而沒齒不悔。今天下有幾人哉。吾故欲以表陸氏者。表顧子。且使顧子慎思其所終焉。而後可謂之表陸氏也。已。顧子諱

荅

虞山錢牧齋見此作異之。謂顧子曰。古古善罵人。當世無所推許。此作殊不易得也。因以墓志續之云云。

黃石齋爲閩蹕礎墓誌跋

黃石齋太史爲蹕礎公作墓誌述其在寧前時有先見而不
獲竟其川頗惋惜之因憶壬申之秋客淮上蹕礎公一再招
余飲時孔逆友德叛據登州余問公公曰此癩疥疾耳建氛
孔棘朝臣樹黨薦不知兵之書生而授之兵是可愛也余
問公禱在寧前何不極言其弊乃勇退耶退則勇矣如報國
何公曰報國不可託之空言也用人者當知人用於人者當
自知力餘於擔任乃得勝今不論其知兵與否而授之兵彼

又不自知其不知兵而妄謂能兵趙括陸機之禍種種矣吾亦非知兵者欲報國而辱國故不如投効之爲愈也敢云勇退哉余又問今天下固無知兵者倘有之功可得成否公曰吾不敢謂其功之不成也然而實難樹黨堅則掣肘衆雖有其人誰能始終之魏相信營平者少秦檜忌忠武者多也公之持論如此然則公可謂深於自知不肯辱國者矣李晟審吐蕃敗盟曹瑋察趙元昊必反書生或能以形勢坐測之若使敗盟者必不敢敗盟反者必不敢反此豈書生所能坐測

耶○范○仲○淹○韓○琦○亦○僅○可○川○之○朝○廷○耳○其○在○西○夏○也○韓○喪○師○而○
范○無○功○膽○寒○之○謠○宋○人○自○欺○昔○戊○寅○九○月○遇○石○齋○於○任○城○論○
朋○黨○壬○午○四○月○又○遇○於○金○陵○論○流○寇○大○率○自○用○而○不○肯○服○善○
學○問○未○博○語○多○影○響○倘○任○以○封○疆○未○必○非○楊○鎬○袁○崇○煥○也○因○
敘○次○躋○礎○公○往○論○而○并○及○之○

泊水齋詩跋

丙戌三月有客自金陵過余者。述甲申乙酉間事頗悽惻。因及高涇齋、張藐山兩先生雅重余。盛有所稱引。欲以國史委余。余愕然不知其所從來。私念高公膠州人，張公陽城人。距余居東西各千里。地遠位殊。無緣通識。顧何以得此乎。豈延舉後學，不使其人知之。古大臣之賢者類然耶。微客言，余幾失此兩知己矣。故旣序藐山先生詩而並識之。

涇齋高公諱弘圖，山東膠州人。庚戌進士，仕至大學士。藐

山張公諱慎言山西陽城人庚戌進士仕至吏部尚書國
變南遷俱以節終

跋文衡山墨蹟

文衡山書法於本朝諸家最爲合道楊子曰大道猶規矩
準繩此言隸楷行草之必本乎六書也張東海書名甚著自
矜獨造衡山謂其不學陳白陽爲衡山高足工書法縱放蕭
疎迢迢出蹊徑外衡山云白陽吾制舉執弟子非書畫弟子
也觀此則衡山之意固將有所重者友人張子坤偶持衡山
墨蹟數十葉示余命跋之余不解書安敢跋衡山書然今天
下人好黨同伐異以門戶爭長惟不解者庶幾免此子瞻云

作詩必此詩定知非詩人子坤之命余跋之也意在斯乎

跋戈靖之畫冊

畫院盛於宋而稱大家者有四皆元時人趙松雪亦元人也
獨不得與豈非以其有意爲工遂不及以自然爲宗者耶雲
間戈靖之善畫董思白陳仲醇諸公雅器重之乙酉暑月予
遇之海上出其畫冊十餘幀示予疎拙簡老筆力在北苑南
宮間與元四大家同鼻祖而變化出之固非有意爲工者所
可摹似也靖之諱寧善醫又善琴予不復論論其畫海氣將
秋蘆天一 畫展冊對之如置身滿壁滄洲中矣

候湖廣總督李太保 鐵嶺人 代

伏以星聚東川箕尾虛三公之座雲高南陸衡湘勒九伐之

銘周禮詰戎之長位次天官漢書執法之丞班聯宰相恭惟

云云奕世元侯典朝良翰寧遠分茅 李成 鐵券輝煌鐵嶺仰

成湖府 李如松 銀弓照耀銀州閩閩簪纓枝柯薈蕪讀衛國之

陰符 李靖 師維家舅佩涼公之寶劍 李愬 遺自先臣年富力強地

華人秀北塞椎牛 李牧 將士樂爲之川南山射虎 李廣 卑于背避

其鋒荷戟從龍晉階司馬既推轂於澶淵 前在大名爲三省總督 山左

河南安堵復揚旌於鄂渚

今在湖廣

洞庭雲夢無波軍民錯處當

戰守之咽喉水陸交衝控西南之鎖鑰緣七澤而撻鬼方駐

軍沙子沂五溪而搜蠻洞取路桃源重夔橋柳輪琛荆口之

關吳越漁鹽待哺巴陵之稻觀其投大遺艱者乃爾非此文

經武緯者不能累懸嶺上巨鴉步之連營岫岵峯前啟鷹揚

之繡幟八旗虓子五部龍媒鎖刀楛矢貔貅醉鴨綠之烟犀

甲鼉鉦琫珠飾鵝黃之蓋農桑如故鷄犬無驚文茵坐處有

前歌後舞之容露布騰來示歸馬放牛之意始而峭峽朝宗

繼則球羅納款○白雉青獅俱娑跪拜○頭飛鼻飲悉屬編氓○然後振旅還戈○策勳告廟○錫之秬鬯○覘以彤弓○君山漢水永堅帶礪之盟○麟閣雲臺全壽旂常之數○寶車騎之麾前○徧除都護郭汾陽之門下○僉署儀同○豈非所謂開國承家○光前裕後者耶○非久切識韓今將御李仲寶風流泛綠水芙蓉之幕元規坦率侍清秋嘯詠之樓云云

候湖廣巡撫張大司馬

濟陽人

代

伏以熒啟綠江天市儲鷹揚之宿祥開朱嶽君山奏虎拜之
臣改漢官之制躋司馬爲三公披宋史之文列中丞於二府

內叅機務外掌藩戎恭惟 云云 瀚海靈珠營州美壁留侯佐

命

張子房

初封漢室元勳燕國登庸

張說張嘉貞

迭作唐家宰相探

黃帝之陰符遵時豹變鍾白山之問氣翊運龍飛三韓碩士

處風雲際會之鄉八柱名卿開江漢朝宗之府陶士行致力

中原愛情竹頭木屑杜元凱留心左傳尋常緩帶輕裘霜嚴

刁斗漁歌入浦銅鞮風怒檣帆烟嘯橫江鐵鎖犀甲浴銀潢
雲夢直吞八九珠鞮鳴錦窠春申饒有三千伐衡山之鼓雷
驚黃鶴樓前投污水之戈浪靜赤蛟潭底碑淚襄陽豈有鳩
人叔子碁譚夏口時聞顧曲周郎李衛公再旬而平蕭銑全
是疑兵岳少保八日而破楊么居然神筭蓋勢處咽喉多有
先朝壁壘而權兼撫勦必資元老經營讀書合變制敵無方
曳柴搖櫓皆其綠之玄機北馬南舟倭孫吳之勝筭論功行
賞賜券封侯寓止戈之武以培天地

之和餘不殺之威即足
子孫之慶某不勝云云

候陝西學道啟

河間府東光縣人

代

伏以鳳翥丹岑司祿掌金華之冊麟銜紫誥戴儻垂玉

文觀九疇之式序禮樂之興何待百年誦五教之惟寬詩書

之澤匪伊六郡恭惟

云云

天胎

山名在東光縣南十里

桂苑海市

龍

胡蘓亭左雲披董子之帷徒駭河西葩映毛公之館蛟騰蘄

水駿駕燕臺以大司馬之股肱爲古長安之師表森然武庫

卓爾文宗改成周械樸之隆要在開雉麟趾稽有漢科名之

制兼收文學賢良九峻三峙凡通經博物者拔其尤兩角七

盤有蚪篆露紋焉探其祕汧渭產驂駟耻臯致之弗顧褒斜
生杞梓願匪石之加繩蘭滋上苑春華秋實皆香鶴舞西雛
大呂黃鍾協奏高蹈者不求名蟠水之漁翁可載洽聞者先
識字岐陽之獵鼓宜蒐程伯淳傳經鄆縣門人如坐春風楊
遂庵將學關中榜首無非名士訪殘碣于窟窿橋陵紀白豹
黃龍之跡註名山于崆同疏屬釋廣成貳負之疑將使車轄
馴鐵詣雅頌之笙靴且移太白終南備宮牆之俎豆云云

迎河南學道啟

嘉興人如王山翰林院外轉

代

伏以麟銜綠宇東國披金簡之文鸞駕川輿南宮錫玉華之
祉章藪馥于彤庭八磚敷地采菁莪于廣野五宿經天文教
聿新士風丕變恭惟云云瑯邪錦冑桐李瓊英鴛鴦湖上雲
飛海市之帆烟雨樓中月燦江花之筆旣揚芬于繡浦人稱
出水芙蓉遂振步于金臺衆羨絕塵騷駉瑤池獨醉伏春華
秋實之林香案徐行鳴玉節金和之珮烏巷衣冠昔續紛于
白下青箱圖史今炳耀于潯南謂宜續大保之王功名晉階

四相亦且紹司徒之盛

王導

美虛席三台乃從顧問之餘俾以

蒐羅之任載赫揚鑣署六經之武庫拔茅連茹

本音

司八郡之

文衡潁川汝水素稱節義之鄉緱嶺蕪門多有神仙之館表

箕山之隱士巢許優游廣雪苑之遺音鄒枚倡和前此春秋

作者誰非博物洽聞後來伊洛諸生亦解吟風弄月凡茲兩

河之俊又悉云千載之遭逢畧牝牡而相天機收太行之驥

汗端模楷而持月旦闢司隸之龍門長沙年少邀賞鑑于吳

公叔度名高經品題于荀令蓋敷教不徒徵文而薦賢所以

爲國桃李不言，皆環橋之春色。蕙蘭有種，待樹畝之佳人。將
使干戈之氣，悉潤色以琮璜。行看鄭衛之音，皆沉涵于雅頌。
功無與比，德莫可倫。某鍛羽寒禽，代庖屬吏。槐魯魚之莫辨，
思正字于天祿石渠。處蓬翟而擗晨竊，依光于泰山北斗。高
密難逢，行且執經門下。荆州願識，敢云吐氣階前。恭修蠅楮，
遠迓龍光，不勝云云。

河南河道兵備上任啟

翰林院外轉 代

伏以石閣然藜載籍充藹臺之匯金隄樹柳宜防築瓠子之
官移八磚之素影圖史香生席九曲之安瀾河渠書奏恭惟
云云 春苑琳瑯冬官黼黻翔集上林想佩玉鳴珂之度沉酣
東壁搜木天柱史之藏備九重之顧問凡諸子百家之學靡
所不闕韜三事之修能俾亮工熙載之儔於焉獨步迺文采
風流方熠耀于中書而綜核明達須陶鎔于外憲往者河決
中州十年罹懷襄之禍幸而功成昨歲四瀆勒疏導之銘民

其歸矣念江海之蜚鴻帝曰欽哉更綢繆于未雨遂使博物
宏辭之彥出爲隨山刊木之臣銀瓜鹵簿知錦駟之來自薇
垣繡豸威儀羨瑤旌之稅于良嶽黃花浪靜徐觀八月之濤
綠竹園深預作九河之槥乘櫂乘橈象山川而制器宜歛宜
谷蕪菁洩以儲材必使朝宗滄海勿貽郡縣之憂因而轉餉
神京不負朝廷之任綺陌桑麻奠洪荒于沃野肅舡簫鼓歌
燕喜于中流經濟匡時文章報國其枯泥涸鮒得非沉蛙久
送鯨浪誰爲渡筏之人初衙龍門非有同舟之望特以賦田

高下粵稽古貢于塗山兼之漭沔源流敢乞成書于漢史謹
借邗筒恭陳束帛閣上綠塵久著山公之介田間芹曝聊將
野士之誠觀大火之初流遙沾玉露託寒蟬之糾響仰達金
曼不勝云云

答劉氏求婚啓

代孟凡

伏○以○昔○月○迎○陽○周○典○博○求○陰○之○義○應○鍾○歌○族○春○官○調○合○氣○之○
音○六○禮○云○嘉○百○年○伊○始○恭○惟○親○家○云云赤○帝○銀○潢○白○村○玉○葉○
攷○獻○徵○文○吞○吐○河○間○東○海○探○玄○稽○古○蒐○漁○江○左○西○京○丹○澤○濯○
七○襄○之○組○緜○緜○火○鼠○霜○蠶○紺○宮○滋○九○咆○之○葩○湛○湛○琪○英○璠○蕊○
夜○閣○有○藜○燈○原○是○詩○書○之○爛○劉○向○春○山○無○鴉○鳥○應○慚○孝○友○之○
虛○劉○蘇○琢○蒸○鱗○以○作○棟○補○天○之○石○色○成○霓○衣○璫○甲○以○揮○絃○擲○
地○之○金○聲○入○賦○漪○波○洪○注○錦○翻○高○搏○德○星○輝○頰○上○將○再○古○荀○

氏之龍○奇數配河東○且先蕭薛門之風○崛起羣張○欣孟陽之
有弟○聯翻衆賈○歎偉節之難兄○伯仲壘壘○鄉邦黼黻○弟螢窺
聳聳駘駘○負鹽車憶鄆陵榆社○會爲傾蓋之交○迨辛卯槐闌○竟
讓着鞭之路○盟言勿斃○古道攸敦○在親家不忘杵臼○甘垂松
栢○以就女蘿○在不肖自愧雲泥○真比葦葭之依瓊樹○職載地
卿媒氏掌萬民之判繩操月叟○冰人諧兩姓之惟蜀山鳴而
銅鐘答響○觀氣類之網魚○蕤律協而鐵羽驚飛○悟倡隨之節
候○今嗣藍田美璧碧落靈珠○坦腹於烏衣巷○裏蘊藉無倫○報

婚於玉鏡臺前風流自賞但小女孩提失恃中饋希傳權相
保姆實維迺父迺兄粗授闈箴聊託諸姑諸姊香奩弗備陋
質增媿矧先人布荆是訓不喜聽柳絮之吟而弱息蘋藻未
遑何暇及椒花之頌適聞納采誰與結褵思劉峻過經之雅
羨華胥之名賢笑孟光舉案之能回寒家之醜女蓋新婦乏
容誠有似德如之妹倘終身克敬安知非冀缺之寶所願柜
匱齋明琴徽靜好池感游魚知房中之樂奏階齊舞鶴見壺
內之儀矧卜吉而朱鸞照帔坤元含五宿之章令終則黃雀

自
有
山
人
才
集
卷
下
○
酬
環
震
索
接
三
公
之
武
不
勝
云

云

題萬年少書冊

萬年少書法從天分中得來。選選於道。秀處作新姿。體氣高妍。款行勻潔。管美人初起。着輕素單襦。縠紋踈映肌。澤晶然。余嘗推爲本朝第一。吳門顧云美集其往來小帖數十幅爲一冊。皆行書也。嗟乎萬子捐館舍十年矣。萬子捐館舍之年。卽余畫明夷之年也。萬子捐館舍。萬子一生事。蓋棺定矣。余畫明夷而不獲。蓋棺余一生事。將安所底止乎。嗟乎六書輟講。八法失傳。讀籀史之殘碑。猜疑石鼓。發蘭亭之真本。惋惜。

峻陵古瑟音稀。高山絃碎。釵脚鉤銀。鳳閣之寺。豈已敝。刀鋏
切玉。鶴銘之綠字難蒐。對此遺笈。潛焉出涕。嗟乎。萬子江北
彭城人也。銅章粉畫多藝。多材繡虎。雕龍不衫不履。可謂極
才人之致。援名士之長者。亾國以來。逃禪自廢。聽老鸚音耻
過劉歙之墓。燒燼薰草。微聞奠勝之香。信陵謝客。甘心醇酒
婦人向子入山。瞑目男婚女嫁。嗟乎。支公長逝。真神理之猶
綿。張緒永辭。嘆風流之頓盡。顧白日之將沉。廣陵散於今絕
矣。慨黃墟之非故。山陽笛不覺悽然。嗟乎。吉光片羽。織成塔

影園中安石碎金鎔在虎丘山下。往矣伊人。慟哉吾友。

題大癡畫

黃子久畫法。木之董北苑。而道險過之。不似而似。乃其所獨造也。本朝沈石田。最爲入室。近世董思白。酷臨北苑。而骨薄姿纖。似而不似。優孟衣冠矣。子久恥仕胡元。隱虞山。常閉關兀坐。不輕事筆墨。至海潮悲漲。風雨凄寒。雲幻雪晴。花飛禽轉。則携琴酒坐。劒峰拂水。閒先布紙石上。適有所會。閉目搦觚。追烟景而疾圖之。然後矐目直視。務使畫意與現前生動。

者○氣○氣○含○吐○始○加○之○皴○染○否○則○碎○去○可○謂○林○壑○移○情○天○工○錯
繡○者○矣○推○爲○大○家○不○虛○也○此○幅○落○落○處○殊○有○平○遮○疎○微○之○致○
丈○雪○大○師○從○收○壁○漏○泥○中○鑑○別○之○不○啻○立○本○遇○僧○繇○真○跡○布
裯○眠○賞○數○日○不○能○去○也○

題李龍眠畫冊

李龍眠作 頁圖十幅各以其本國之人物土產衣冠分別
刻畫之顧盼迴翔顰髭飛動如與其人相目而欲語者至其
翠纓殺文鞵鞞蹄鼠又如懸竇細塵髮鬚射就視之絲絲
見血痕笑齒也然其珍飾貝裝與 服不類大約皆真臘佛
齊暹羅以南諸種落蓋有宋方域北少南多龍眠當時躬逢
其盛故摹繪精工傳神肖質遂使海外百蠻皆盤踞歌呼於
金碧墨粉之間洵絕藝也文雪大師得之豈所謂慧徹恒沙

淡現之餘溢爲現者耶師笑云居士不聞乎應以貢圖
身得度者卽現貢圖身而爲說法不必問入貢者何人作

圖者又何人賞圖者又何人也余善共能喝而爲之題

題雪樵蜀中歲莫行吟圖

雪樵入蜀中時未歲莫也。未歲莫而作歲莫行吟圖。何居曰：雪樵蓋自有其歲莫而不欲言其所謂歲莫。故託之聲律以見其意。又懼人之不見其意也。故託之圖以狀之。猶曰：此其形似云耳。天下山川奇險。莫如蜀。鳥獸草木。惟異。莫如蜀。以歲莫者。常之。岌岌乎三閭。悲湘芷。開府哀江南矣。故予爲之讚之。曰：空螺高唱。原無舌醉。鱗橫行不見。螿初閱之。悵悵爾。如是如是。萬里孤僧。寒不刺。千山落木。響無家。再則髡髡爾。

如是如是黃河顧祖瀚星海黑帝生兒拜木公終則黯黯爾
如是如是噫嘻斯可以觀世

雪樵卽楊游龍諱思聖由學士左遷四川布政使

原缺

偽官入沛城紀事

國家無防禦使官蓋唐名而流寇竊焉者也徐淮則武懷爲之先是予居鄉聞京師失守不信謂京師完固安有一攻輒陷之理况南北撫鎮諸臣何無一發喪馳檄徵兵赴難者此必賊計詐言煽惑耳遲至四月十五日總河部院黃希憲乘輕舟南下沛諸生張景厚往見力止之又上書責之弗聽又遲至二十九日而懷至至則縣官學官率鄉紳士子郊迎如司道禮拜詔改元儼然一易姓受命者或謂懷甫至卽先問

予是宜往謁不則急宜行遁慮且加害嗟嗟天下豈有正人
君子而謁賊者哉河南羣盜充斥遁將安往倘去後貽宗族
親知之患蹈張儉故轍心竊耻之計此時賊雖設官猶未設
兵莫若以大義感動之苟其悔罪未必不爲我用不然則及
其兵寡而亟誅之以一死報國夫復何恨遂於五月初六
日自微山貽牒以書牒得書大慟以是不卽加管然亦竟不
能悔罪也奪縣官印信貯篋中謁先師廟諸生進講賞紙
頗以爲榮收錄員役以百計設官練兵防黃河觀風試諸生

聽訟決獄奸人乘釁視鼎所怨仇者誣以巨富大猾立陷之
士紳慄慄莫能保須臾然兵無後繼故亦未敢大肆暴陵也
五月十二日出巡豐縣十八日復歸沛城忽傳官軍已大破
賊賊西走慄恐於二十一日聲言巡蕭陽南行近徐州被擒
是夜沛令逃蓋二十四日事此僞官人沛城本末也據慄自
言非出得已及其務號諭衆一則曰聖主再則曰今上又盛
誇新朝大兵旦夕至以張其威此豈不得已者之所爲乎慄
陝西涇陽人癸未進士方賊陷京師獨不當守義死 國難

耶不死 國難而死於僞官均死也相去固已遠矣甚矣憐
之愚也愚以爲憐不足惜也自 廟堂以及邊郡受 先帝
殊恩異寵踰倍百倍者不可勝數死 國難者幾人乎平日
負盛名以文章氣節爲海內重且身登大位儀刑百揆臨時
肩膝迎賊奉表勸進若惟恐有先之者抑不思賊陷京師在
三月十九日十九日之前所事者爲誰耶豈其生而卽爲賊
臣皆出於十九日之後舉十九日之前者而忘之耶甚矣諸
任於賊者之愚也忽必烈見宋降臣問曰爾等降何容易夫

降者自謂有德於敵而受降者顧反薄之則名節之重人有
同心也嗚呼誰謂無人不如中國哉

原缺

示二子作詩之法

古聖人之教二三子也○莫先於學詩矣○學詩莫先於稽古稽古莫先於三百篇○西京以還皆變體非古體也○顧其中有六義焉○有四聲焉○太史公之言曰○非好學深思○心知其意者○難爲淺見寡聞道也○此雖作史之法○乎作詩之法○實不出于此○要之心知其意爲難耳○心知其意○斯六義可融而爲三○不知其意○四聲且漏而爲二○均之於三百篇○茫然也○二子曰○何以謂六義融而爲三也○曰○風雅頌賦比興六義也○風多比興而

賦○少○雅○頌○賦○多○而○比○興○少○其○間○參○差○錯○落○連○類○生○情○觸○興○而○
來○興○盡○而○止○是○賦○比○興○三○者○原○散○見○於○風○雅○頌○之○中○而○興○尤○
靈○通○於○賦○比○之○外○孔○子○所○謂○詩○可○以○興○者○此○也○興○去○音○而○箋○
注○作○平○音○誤○矣○是○之○謂○不○知○其○意○者○也○二○子○又○問○何○以○謂○四○
聲○漏○而○爲○二○也○曰○平○上○去○入○四○聲○也○平○居○其○一○仄○居○其○三○若○
混○以○上○去○入○三○仄○爲○一○仄○聲○則○一○平○一○仄○僅○兩○聲○耳○且○平○聲○
內○兼○有○上○聲○之○平○去○聲○之○平○互○換○莫○測○而○全○以○入○聲○轉○渡○而○
合○發○之○沈○約○云○上○有○浮○音○斯○下○有○切○響○蓋○以○言○四○聲○之○合○拍○

也。苟宜上聲而用去，則失之闌緩；而鏗鏘無力，宜用去聲而用上，則失之拗捩，而咽喉不潤。金石罽諧，宮商相奪，何以格鬼神，享宗廟，覘德政，娛嘉賓乎？汝輩能急取所爲詩稿，對六義四聲，而嚴攷之，諷詠既久，必將有鼓舞移情，躊躇滿志者。然後可與入風雅之林也。余昔有句云：山中常缺酒，海內絕無詩。正謂心知其意者少耳。今與汝輩鬯論，益覺前句之非放言也。

此文專論律詩